

**Puteri Maha Chakri Sirindhorn Tiba Untuk Lawatan Sehari
Bernama
24 Julai, 2012**

SEPANG, 24 Julai (Bernama) -- Puteri Raja Thailand Maha Chakri Sirindhorn tiba di Lapangan Terbang Antarabangsa Kuala Lumpur (KLIA) di sini untuk lawatan sehari ke negara ini.

Ketibaan Puteri Sirindhorn di Kompleks Bunga Raya bersama para delegasi termasuklah beberapa pensyarah daripada Chulalongkorn University, Thailand pagi ini disambut Timbalan Menteri Luar Datuk Richard Riot.

Antara aturcara Puteri Raja Thailand itu termasuklah menerima kunjungan hormat anakanda Yang di-Pertuan Agong Tunku Puteri Intan Shafinaz di ibu negara hari ini.

Selain itu, Puteri Raja Thailand itu dijadual melawat Institut Kemahiran Islam Malaysia, Muzium Kesenian Islam Malaysia dan menghadiri jamuan makan tengah hari di ibu negara yang dihoskan Kedutaan Thailand.

Puteri Sirindhorn juga dijadual melawat Perbadanan Putrajaya dan Masjid Tuanku Mizan Zainal Abidin di Putrajaya.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=682687>

